

d' „Erzi“-Clique



Mir wänn hitte proteschiere
Wäge däm bleede Helge do,
Um dr „Wildi“ au z'blamiere —
Sim m'r als Erzi-clique ko.
Wo isch denn do dr Kinschtlerwitz,
So Quatsch het doch miseel kai Schpitz!!
Drum Gunschtkredit, pass uff!
So Sache premiirt me-n-im Suff!!

O armi Bolizische-Mausig,
O arme Runzlelecteclub —
E Kassier hänn er, kaibe luusig,
Wo laischtet sich e grosse Coup;
Mit Bäretatze, diggem Ranze, hohlem Grind
Ruunt er baldi Kasse g'schwind,
So goht's, „dass mer kaine lacht“ !!
Wemme dr „Bock“ zuem Gärtner macht!!

Dr Gluschi Ränz, dä hets verschlage
Nach Barcelona mit sym Korpa,
Aer kunnt haim, mit em spanische Grage,
Ganz Basel kunnt em spanisch vor —
Sy Greesewahn, dä schiesst in Bluescht,
Aer weiss jetz wie me schpanisch ruesst . . .
Dr diggi Edy Sämpf,
Dä griegt vor Nyd fascht Krämpf!!!

Wenn ain' zuem Schaffe het kai Rasse,
Isch fuul wie Misch, potz sappermänt,
Frisst Birchermüesli ganzi Masse
Und isch derzue no Abschtinänt,
Fir dä het 's Läbe gwis kai Zwägg,
Wo d'Wurzle-n-und s'Ginies frisst samt em Drägg.
Doch gseht er emol e Rogg,
Isch fertig der Rohkoscht-Bock. —

Im Grosse Root, do git's Prolete
Und Sowjet-Arnold-Winggelried,
Si mechte jede Burschoa deede
Uss Yberfluss an Gläid und Gmiet.
Dr Oeri loost die Lobgsäng a
Vom Wälti und vom Bodema —
Und säit: „Das isch e Bluff!!
's frisst ain dr ander uff“.

D'Fäldmuusig us em fromme Babel,
Die „vielgeraist und wait gewest“,
Stoht do im Wasser bis an Nabel,
Will me's nit schmeggt, wenn falsch ain „bläst.“
Und ganz Lugano stoht am Qual
Und wiff die neil Uniform gseh,
Doch s'Urteil luudet kurz:
Hänn die im Hirni e Furz?!!

Mit em nele Zircher Zolli,
Mache si e grosses G'schrai,
Affe „händs“ und au no Rolli —
Nach Basel bruucht jetz kai Bai —
Fir uns isch das doch allerhand!
Zem Gligg hämmer e Trumpf no in dr Hand:
Mer stelle-n-im Affehaus — —
E Zirischnure uus!!!!

Kemme alli am Sunntig no der Fasnacht
am siebni x'Obe in Musiggsaal zuem Schlusseobe
vo de Comité-Schnitzelbank.